

中

興

禮

書

中興禮書第一百九卷

吉禮一百九

四孟朝獻景靈宮二

紹興十一年正月十八日御羣院狀契勘紹興十年孟冬朝獻奉聖旨為自常御殿步至承元順承殿行禮更不排辦逍遙平輦所有今來孟春朝獻合取聖旨詔更不排辦時以未建景靈宮就常御殿行禮故也自是至十三年孟春並不排辦

十二年十二日中書門下省言勘會見今朝獻供設器皿並皆弊陋詔令文思院比仿天章閣見供給器皿改造合用物料令戶部支降

十三年七月十三日禮部太常寺言孟秋朝獻已降指揮用七月二十三日二日十四日二十五日行禮契勘

臨安府修內司見修蓋景靈宮設位行禮二十五日詣承元殿順承殿行禮詔依

十八日禮部太常寺言勘會孟秋朝獻行禮今條具合合行事件 一契勘今來設位欲且依行禮殿禮例內第一日乞於前殿設聖祖天尊大帝元天大聖后中殿設宣祖皇帝昭憲皇帝太祖皇帝孝明皇后太宗皇帝懿德皇后明德皇后真宗皇帝章穆皇后章獻明肅皇后章懿皇后仍乞令臨安府權去折前殿帳座第二日就前殿設仁宗皇帝慈聖光獻皇后英宗皇帝宣仁聖烈皇后神宗皇帝欽聖獻肅皇后欽成皇后欽慈皇后哲宗皇帝昭慈聖獻皇后昭懷皇后 一檢准四孟朝獻儀注朝獻前一日皇帝齋於內殿御崇正殿視事如

常唯不作樂所有今來孟秋朝獻詣景靈宮行禮其第一日第二日往回依儀不作樂 一勘會自來朝獻車駕詣齊殿降輦所有今來孟秋朝獻欲乞依禮例於齊殿降輦步由景靈宮中殿後至東廊前殿御帳以俟行禮 一勘會二十五日車駕詣承元順承殿行朝獻之禮緣同日係宣祖皇帝忌前一日今參酌欲乞至日皇帝服履袍詣承元順承殿行朝獻禮畢還內服忌前之服 一勘會在京四孟朝獻從駕臣僚先起居畢從駕外其行事前陪位官先詣景靈宮殿門外以俟迎駕起居訖趨赴前導陪位立班所有今來孟秋朝獻其從駕臣僚并行事前導陪位官乞依禮例施行詔依十四年正月七日太常寺言今來孟春朝獻車駕詣景

靈宮行禮本寺今參酌比附修到儀注所有以後四孟

朝獻欲乞依此施行詔依

儀注具
于後

二月二十六日景靈宮主管所言車駕詣宮燒香原本
宮道士合赴天興殿祝香候本宮道衆迎駕起居畢乞
令幹辦官管押事畢却行士一十人赴殿祝香入內省
執金骨朶使臣管押事畢却行押出所有祝香文於學
士院前期請降詔依

同日翰林司言契勘四孟朝獻排辦神御前茶酒果承
紹興十三年十二月十八日尚書省劉子翰林司申昨
在京日每遇四孟車駕詣景靈宮朝獻所有器皿什物
係本宮將所管器皿并御神前酌獻酒果行下所屬去
處供納赴本宮鋪設昨緣景靈宮神御在温州當時太

常寺申請製造到合用器皿物什今本司鋪設排辦所用酒果下臨安府應付供使今來景靈宮神御已到行在本司將見管器皿什物發納赴本宮收管仍乞自今後每遇四孟朝獻并景靈宮應合排設茶酒果等令本宮幹辦官擬合用名件數目報臨安府差人供納就上件器皿等依舊一面鋪設排辦施行奉聖旨依今來孟春朝獻景宮太常寺中降到今年正月五日指揮令本司排辦供養茶酒果遂具奏聞詔依紹興十三年十二月十七日指揮令本宮幹辦官一面取索合用酒果等排辦七月十一日詔孟秋朝獻行禮畢二十日係旬假特展二十一日作歇泊假一日

自後行禮畢過旬假
庚歇泊假以年為例

十一月一日御史臺閣門主管禁衛所言准尚書省劄

子勸會車駕至紫務要整肅詔令御史臺閣門禁衛所
 同共措置今具申請下項欲乞今後遇車駕行幸准此
 一四五朝獻車駕至景靈宮報引陪位官入殿其禁
 衛正是擺拽未定班路擁遏若候禁衛排立定報引班
 次恐致遲緩欲乞今後俟催班時令禁衛所使臣二人
 於柱星門內外指揮禁衛通放班路陪位官入殿不得
 擁遏不肅一遇車駕詣景靈宮沿路如值雨雪得旨從
 駕臣僚許用兩具禁衛內行馬者依條告報皇城司差
 親從轉接油衣執纛一車駕詣景靈宮行禮等依自來
 條例閣門差人乘騎於扇篋後竊箕掌覺察臣僚行馬
 次序失儀御史臺閣門係駕前後應奉報引班次及沿
 路除三省樞密院諸房行首司密院客司並依例許乘

馬外其餘官司諸色人不得於駕路往來乘騎如違御
史臺閣門覺察彈劾詔依

十五年四月二十二日禮部言勘會已降指揮車駕詣

景靈宮行孟夏朝獻禮緣今來見避殿減膳欲依禮例

合係宰臣執政官分詣伏乞朝廷指揮詔依

先是四月八日太史

奏出東方迎殿減膳時未御正殿

十六年正月九日閣門狀奉聖旨孟春朝獻為值兩令

宰臣同使相一員分詣

十七年正月五日禮部太常寺言勘會孟春朝獻用正

月九日十日行禮所有合差前導太常卿一員并贊引

太常卿太常博士一員並乞依近例輪太常寺官充今

勘會輪博士駱庭芝攝前導太常卿主簿周莊仲充今

贊引太常卿太常博士詔依

共後遇闕少卿博士例皆申朝廷差官充攝

四月一日內侍梁滌奉聖旨四月一日二日車駕詣景靈宮孟夏朝獻為值兩令宰執分詣可並改作休務假

自後或遇值兩日命宰執分詣孟值此

十八年七月七日內侍吳鐸奉聖旨傳宣閣門今月十日十一日車駕詣景靈宮孟秋朝獻為時暑進早膳畢臣僚逐幕次賜食從駕還內免奏萬福仍免賜茶

二十二年四月十八日禮部太常寺言勘會孟夏朝獻選用四月二十二日據兩浙轉運司申見今修蓋景靈宮中後殿并齋殿委是趨趨四月孟夏朝獻不及今具合申請事件一契勘見今迎奉聖像神御共二十八位於西齋殿權行奉安若車駕詣宮行禮緣地步窄隘

及無侍臣并酌茶酒前導等官侍立去處欲乞依值兩
禮例命宰執分詣可以隨宜行禮 一今來所乞分詣
其行禮日欲乞依禮例皇帝不視事 一契勘四月二
十一日係宰執致齋日分緣同日徽宗皇帝忌辰百僚
合赴行香除宰執係致齋日不合起赴外今欲乞至日
依例於東班從上引官一員升殿跪爐行香以次官一
員詣西班牙行香詔依

七月五日禮部太常寺言勘會舊景靈宮齋殿在天興
興殿之西每歲四孟朝獻行禮第一日依已定儀注車
駕詣東廊便門降輦第二日車駕詣樞星門裏就露屋
降輦今來修蓋景靈宮畢其齋殿係在天興殿之東今
來孟秋并日後四孟朝獻第一日第二日車駕并詣今

來修蓋齋殿降輦步至迓殿御帳餘依已定儀注仍乞
令太常寺於已定儀注內修入闕報所屬施行詔依
十一日幹辦御樂院陳彥臣等奉聖旨朝獻並依在京
舊例於祥曦殿乘降輦

二十九年九月二十三日禮部太常寺等言檢准紹興
七年故事龍圖等閣祖宗神御殿權停節序旦望帝后
生忌辰酌獻過大祥依舊今來已降指揮亦停宗廟之
祭所有孟冬朝獻景靈宮欲乞前項體例權停詔依

仁皇
上
後
也

三十年正月五日禮部言契勘近來申請景靈宮朝獻
之禮乞依熙寧中上元朝拜太平興國寺啟聖禪院及
顯肅皇后故事分命行禮今續契勘啟聖院係上元燒

香恐與朝獻之禮不同及顯肅皇后故事雖係分命緣
昨夜未曾修建景靈宮禮有從權亦恐未當恭覲顯仁
皇后陞祔禮畢天地宗廟百神之祀善皆如儀兼將來
大享明堂亦合朝獻景靈宮朝饗太廟若獨於四孟朝
獻之禮有所未盡恐不足以仰副主上誠孝欲望朝廷
特賜敷奏行朝獻之禮詔依

十四年日詔近禮官建言乞依祖宗在喪制中當郊之
歲朝饗太廟朝獻景靈宮典禮自正月躬詣朝獻緣郊
祀行事稽之禮經蓋無可疑若四孟朝獻景靈宮元豐
以來自有典故可令給舍臺諫禮官詳悉討論參以古
誼議定開奏續作十九日內侍謝愿奉聖旨為衣服未
純古所有景靈宮孟春朝獻孟春令宰執分
詣可持改作休務假又三月二十七已降指揮令
給舍臺諫禮官討論朝獻典故今孟夏在即令疾速

定開奏續准四月二日中書門下省未聖旨五月夏朝

為未純吉服令宰執分詣至五月二十日太常寺

言檢准已降聖旨指揮節文常朝景靈宮行禮更合取

俟春年易之所有將來孟秋朝獻景靈宮行禮更合取

未純吉服用十二日十三日今宰執分詣為

九月二十五日權禮部侍郎金安節員外郎洪邁劄子

勘會今年正月四日七日景靈宮朝獻並以皇帝未純

吉服權令宰執分詣今來顯仁皇后小祥禮畢已降指

揮自十月一日皇帝純吉服安節等竊見欽聖顯肅皇

后於崇寧元年正月十三日小祥當年三月三日徽宗

皇帝詣景靈宮哲宗皇帝神寶慶殿行奉安之禮及遍

詣天興等殿所有今來十月孟冬朝獻既在顯仁皇后

小祥之外据上件典故皇帝合親行朝獻之禮仍乞次

日車駕回不張樂詔恭依

白是至隆興二年孟秋朝獻不張樂並皆此

三十一年六月二十五日主管禁衛所言臣僚劄子奏
臣聞天子之出清道而後行千乘萬騎稱警言蹕旋頭
前驅約後尾殿凡在屬車間者均為省中其往來馳道
與夫闕出入者皆有厲禁豈非以尊無二上臣下瞻仰
故必法駕備物然後足以隆天威而觀萬姓者哉自六
飛時巡務為簡便器用不足作車服從給常日一切之
制視承平時不能十一謀仁之德固已起冠百王唯是
四孟朝獻乘輿躬行前惟駕頭後止曲蓋頂背相望僅
數百步爪牙拱扈之士或步或趨錯出離立什什伍伍
無復行列至有的獻未畢已捨而歸士民觀者駕肩接
袂雜還虎士之中而不聞有誰何之者自黃帝以大聖
人監於萬國猶以師兵為營矧在今日而顧簡畧如此

臣愚欲望聖慈明詔有司講求其當凡車駕行幸從衛禁旅每以若干人為一列相去各若干步其當乘馬前導者悉豫上其數命有司舉繪為圖先一日以聞別具副本報御史臺有不如令及不在圖中而輒冒至者許有司即糾之蔽而不言者令御史覺察請其罪仍乞他日孟饗陛下輦出宮必俟辨色庶幾法制尊嚴示有等威蓋所以重宗廟而安天下也奉聖旨依奏劄與禁衛所本所今措置欲乞將紹興十四年十一月二十日已約束臣僚行馬次序等指揮牒報御史臺關門嚴切施行詔依

十月二日禮部太常寺言今來恭文順德仁孝皇帝服制之內見停宗廟之祭所有孟冬朝獻景靈宮欲依例

權停詔依

自是在缺宗小祥之前四五朝獻並權停

三十二年三月十一日禮部太常寺言欽宗恭文順德仁孝皇帝紹興三十二年五月二十二日係小祥前欲其將來孟夏朝獻係小祥前欲乞依禮例宰執分詣行禮俟將小祥後孟秋擇日皇帝親行朝獻之禮詔依

隆興元年九月四日禮部太常寺言勘會四孟朝獻車

駕詣景靈宮行禮於次日禮畢車駕回依禮例合張樂

取自指揮詔權不張樂

自是至隆興二年孟秋朝獻並權不張樂

八日太常寺言勘會孟冬朝獻依禮例車駕詣景靈宮行禮今據太史局申選用十月七日甲子吉依例分作兩日行禮係用七日八日所有十月八日車駕詣德壽宮起居日分欲乞改用十一日詔依

十月十一日太常寺言准閣關奉聖旨今欲月七日八日車駕詣景靈宮孟冬朝獻為值雨令別行擇日內七日特改作後殿坐本寺今據太史局選用十月十七日甲戌吉依禮例分作兩日行禮係用十七日十八日所有十月十八日樞密院官詣明慶寺滿散會慶聖節道場日分欲乞改用十九日詔依

中興禮書第一百十卷

吉禮一百十

四孟朝獻景靈宮三

乾道元年三月十六日禮部太常寺言勘會四孟朝獻車駕詣景靈宮行禮於次日禮畢車駕回合張樂所有今年孟夏朝獻車駕詣景靈宮行禮次日禮畢車駕回依禮例合張樂其合用樂人乞下臨安府差撥及以後每遇四孟朝獻依此施行詔依

是年正月十一日禮畢車駕回寺祀

行飲福上壽之禮方舉樂故有是請

三年四月四日太常寺言孟夏朝獻用四月六日七日用禮今准指揮為皇伯母秀王夫人薨輟朝五日係四月初二日至初六日本寺勘會四月六日孟夏朝獻日

分即有相妨今欲乞令太史局別行擇日詔別行擇日

用四月二十
五日二十六日

二十五日今詔月二十六日詣景靈宮孟夏朝獻行禮
畢回權不作樂

五年六月二十四日太常少卿林栗劄子奏臣昨蒙恩
攝事奉常適當孟夏朝獻景靈宮已降指揮用四月三
日甲午前一日皇帝齋於內殿侍祠之官各齋於本司
偶緣值雨泥濘續降指揮改用四月七日戊戌前一日
復值陰雨陛下以饗之期不可屢有司宿戒無敢不
虔齋居夜分雨勢未止方降處分令宰執分詣臣以是
知陛下欲親見祖宗致其孝饗如此之勤也今者孟秋
朝饗獻在近欲乞行禮前一日宰執並赴尚書省宿齋

如或值兩分詣則行事之官皆已齋戒於禮為宜詔依
九月二十七日禮部太常寺 勸會孟冬朝獻用十月
十五日十六日緣十五日十六日係在孟冬薦饗太廟
別廟祠官致齋之內皇帝不遊幸不作樂其朝獻禮畢
車駕回合張樂欲乞設而不作詔依自後遇祠官致
齋之內仍此

八年正月十六日太常少卿黃鈞劄子竊謂國莫重於
禮禮莫嚴於分分所以辨上下也分之不嚴天下何觀
焉鈞伏見四孟月大駕詣景靈宮朝獻皇帝與羣臣俱
拜於庭心竊疑之退而求之禮經考之儀注有所不合
問之掌故則渡江而後羣吏省記者失之也典禮曰君
踐阼臨祭祀禮器曰廟堂之上尊壘在阼又曰君在阼
立正義曰阼主人階也天子祭祀升階而行事也神宗

元豐間詳定郊廟禮文明堂太廟景靈宮行禮並設皇帝版位於東階之上今親郊之歲朝獻景靈宮朝饗太廟皇帝拜上羣臣拜下矣獨四時朝獻設褥位於阼階之下則是以天子之尊而用之大夫士臨祭之位非所以正禮而明分也徽尊元豐之制每遇皇帝孟月朝獻准逐郊朝饗儀注設褥位於東階之上西嚮以禮則合以分則正伏望朝廷詳酌施行詔令禮部太常寺同共討論中尚書省今同共討論欲依本官所乞及於見今儀注內修定詔依

九年正月二十五日閣門言奉聖旨自今後每遇駕出御後殿坐宰執百官并儀衛等並赴後殿起居殿上登輦出御後殿坐宰執百官并儀衛等並赴後殿起居殿

上登輦出後殿門駕回入祥曦殿門

淳熙元年四月五日禮部太常寺言勘會孟夏朝獻用四月十七日十八日前一日宰執赴都堂致齋緣同日係章穆皇后忌辰宰執係致齋日不合趨赴行香外今欲乞依例於東班從上引官一員升殿跪爐行香以次官一員詣西班行香又十七日係樞密院官開啟日分欲乞俟朝獻禮畢從駕還內訖赴明慶寺開啟畢內合赴致齋官徑赴都堂致齋詔依

八年四月九日太常寺言今月十一日十二日孟夏朝獻行禮勘會十一日十二日並係在四月十三日孟夏薦饗太廟別廟致齋之內其禮畢車駕回合張樂欲乞設而不作又緣前導太常卿并贊引太常卿太常博士

禮直官贊者並差充薦饗太廟別廟行禮祇應已受誓

戒合於四月十二日絕早赴太廟省饌致齋今欲乞令

先趨赴景靈宮朝獻前導行禮祇應訖次徑赴太廟省

饌致齋詔依四月十一日詔十一日十一日日五月夏朝獻

九年正月三日詔今後四孟朝獻景靈宮依在京例分

作三日行禮

十一日禮部太常寺言今具合行申請事件一勘會

孟春朝獻今准指揮分作三日行禮係用正月十七日

十八日十九日所有行禮儀注乞從太常寺參酌修定

申請朝廷指揮施行一依儀朝獻係各前一日皇帝

齋於內殿有司不奏刑殺文書及不進幸不作樂一

朝獻禮畢車駕回合張樂今欲乞自第三日朝獻禮畢

曰張樂 一依儀合差進接茶酒侍臣二員前導太常卿一員贊引太常卿太常博士一員並各前一日齋於本司今來除進茶酒侍臣并前導太常卿博士各合致齋三日外內接蓋侍臣一員係詣聖祖天尊大帝元天大聖后位前候皇帝進茶酒畢接蓋置于聖像前所有第三日朝獻係詣諸后位前行禮即無接蓋職事止合致齋^{二日} 一依條例朝獻行禮日各合作休務假并禮畢次日作歇泊休務假今欲乞並依條例作假施行詔依

十三日御厨奏契勘四孟車駕詣景靈宮行禮今承指揮依在京例分作三日行禮第一日一十一位內一位素第二日一十位內一位素第三日九位今於太常寺

計會得如承指揮寧執分詣令依舊作兩日行禮所有
第二日酌獻食却合用一十九位今欲乞第二日造一
十九位食准備供應如不用給賜景靈宮官詔依
十八日太常寺言今月十六日內侍梁睥奉聖旨十七
日十八日十九日孟春朝獻為泥濘令別行擇據太史
局選到正月二十日二十一日二十二日又選到正月
二十三日二十四日二十五日吉詔用二十二日二十
三日二十四日
二十二日內侍于忠信奉聖旨孟春朝獻為值雨泥濘
令寧執分詣可並特作休務假

中興禮書第一百十一卷

吉禮一百十一

登寶位朝獻景靈宮

紹興三十二年七月五日禮部太常寺言勘會皇帝登寶位合詣景靈宮行朝獻之禮欲乞就用今年孟秋朝獻日分作兩日車駕詣景靈宮朝獻行禮其應合排辦事件並乞依四孟朝獻禮例闕報所屬施行所有合用日辰令太史局選定申太常寺具奏詔依

注同更不重載

行禮儀注與四孟朝獻儀

七日太常寺言今來皇帝詣景靈宮行朝獻之禮所有合用日辰今據太史局選用七月十九日甲寅吉係用七月十九日二十日詔依

十六日禮部太常寺言今來皇帝詣景靈宮行朝獻之禮合差進接茶酒侍臣二員依例朝廷降勅差兩省給舍各前一日齋于本司治事如故唯不判書刑殺文書一員詣聖祖天尊大帝元天大聖后並祖宗帝后香案前俟使臣酌茶酒畢接盞跪進皇帝一員詣聖祖天尊大帝元天大聖后前俟皇帝進茶酒畢接盞置于聖像前詔依

同日內侍謝安民傳宣閣門今月十九日二十日應在內諸門並比常早二刻開為車駕詣景靈宮朝行禮進早饌應從駕臣僚逐幕次賜食畢從駕還內二十日內侍鄭大亨奉聖旨指揮閣門今月二十日車駕詣景靈宮朝獻為值兩別行擇日

同日太常寺言車駕詣景靈宮朝獻為值雨別行擇日
今據太史局申宜用七月十二四日己未吉契勘前項
別行擇到日辰係詣景靈宮後殿行禮詔依

中興禮書第一百十二卷

吉禮一百十二

加上徽宗皇帝謚號冊寶一

紹興十二年十月十二日詔徽宗皇帝掩攢了畢合上謚號令禮部太常寺疾速討論聞奏

二十三日禮部^卿太常寺奏徽宗皇帝合上謚號今討論祖宗故事乞先次降詔詔依奏令學士院降詔

十一月四日詔朕恭惟徽宗皇帝躬神明之德有堯舜之仁紹累聖之丕基當四海之全盛儲精淵默體道穆清蓋垂拱優游於十閩之間而功德度越於百王之上逢時初否棄屣若遺暨訃驛之遠來舉敷天而咸痛朕纘承大業遭罹百艱力修隣國之和亟致輜車之復已

卜會稽之地權行陵寢之儀先遠告成升祔云畢顧徽
號之莫稱在眇躬而惕然雖藏用之神無得而名言而
顯仁之迹可求於假象矧祖宗之明訓有追崇之舊章
宜揚顯功以垂來世徽宗皇帝謚號見今六字宜加上
十字為十六字如祖宗故事令三省樞密院侍從臺諫
以上同太常寺集議以聞

八日禮部太常寺奏今續討論下項 一合集官議徽
號欲依近例乞從朝廷定日降下令侍從臺諫禮官赴
尚書省集定聞奏 一合修製加上徽號冊寶并沿冊
寶法物乞依例下文思院修製 一合差撰徽號議文
等官并應合申請事件乞令太常寺逐條條具申請并
據太史局狀選到十一月九日丁酉吉十四日壬寅吉

十七日乙巳吉詔用十四日餘依奏

十八日新除權戶部尚書張澄權工部尚書莫將試吏部侍郎魏良臣試兵部侍郎程瑀敷文閣直學士提舉萬壽觀秦梓試中書舍人張擴試右諫議大夫羅汝楫新除敷文閣侍制知臨安府王暎權禮部侍郎王賞起居郎鄭朴試起居舍人程敦厚樞密院檢詳諸房文字兼權太常少卿王師心殿中侍御史江邀行祠部員外郎兼權禮部員外郎段拂監察御史李文會何若李澗黃達如太常博士劉崧凌哲奏臣等依准指揮於今月十四日赴尚書省集定加上徽宗皇帝徽號曰徽宗體神合道駿烈邁功聖文仁德憲慈顯孝皇帝詔恭依十九日權禮部侍郎王賞等言已降詔旨集議徽宗皇

帝徽號令禮官詳具典禮以聞禮部太常寺今先次依

故事詳具到合差奉冊寶使一員臣差撰徽號議文官

一員差翰林學士撰徽號冊文官一員臣差書徽號冊文官

一員差批政官篆徽號寶文官一員臣差詔奉冊寶使兼撰

徽號冊文差尚書左僕射秦檜書徽號冊文兼篆寶文

會書樞密院程克俊撰徽號議文數文閣直學士提舉

萬壽觀兼直學士院奉梓

二十一日禮部太常寺言今詳具典禮下項 一檢會

國朝禮例奉上祖宗徽號冊寶前一日皇帝服通天冠

御文德殿奉冊寶拜訖次授奉冊寶使次日奉冊寶使

詣本室奉上禮畢群臣拜表稱賀所有今來奉上徽宗

皇帝徽號冊寶欲乞並依禮例 一依禮例奉上冊寶

禮畢次日車駕詣太廟行朝饗之禮今欲乞依欲乞就
來年孟春薦饗日緣已選用正月十九日竊詳選日合
先選上旬次中旬今據太史局再選用正月十一日乞
至日請皇帝詣太廟行朝饗之禮仍乞於正月十日乞
奉上徽號冊寶九日皇帝服通天冠御殿奉冊寶拜授
一依禮例發冊寶并奉上冊寶行禮應冊寶下官並
服朝服車駕詣太廟行朝饗禮應行事執事官並服祭
服今欲乞並依禮例施行所有逐處陪位官乞依大禮
例令侍使從臺諫武臣正任以上服朝服餘官權服常
服陪位詔依

十二月十一日禮部太常寺言勘會文思院修製奉上
徽宗皇帝徽號冊寶所有玉寶合以徽宗禮神合道駿

烈遜功聖文仁德憲慈顯孝皇帝之報寶為文詔依

十二日禮部太常寺言今條具合行事件 一集議徽

宗皇帝徽號訖候撰議文官撰到議文降下依禮例奉

上冊寶使舉行事官并百僚詣徽宗皇帝本室奏請徽

號行禮及合奏告諸室候降下議文從太常寺闕太史

局選定日辰取旨排辦 一行禮日皇帝前後殿不視

朝百司作休務假 一合差讀奏請徽號議文官一員

係差史官奏告光祿卿奉禮郎太祝太官令各一員係

差太常寺官 一奉上冊寶使并行事官宿齋於太廟

坊陪位官於至日趨赴其行事奉冊寶使奉禮郎太祝

太官令並乞祭服讀徽號議文官并應陪位百僚並常

服立班詔依

十三日敕文閣直學士提舉萬壽觀彙直學士院秦梓
奏准差勅臣樸加上徽宗皇帝徽號議文臣今恭依聖
訓撰成議文臣聞乾坤之名立而象法彰帝王之號乎
而德業著蓋實既賓而辨則聲乃廣而傳矧夫孝子哀
罔極之思盡於徽稱致推尊之報編諸冊書而無愧質
之鬼神而不疑斯足以格在天之靈而垂無窮之聞也
其或未稱惕若于懷增以從宜曷維其已昔我先皇帝
遠狩萬里乘雲上賓雖梓宮之未還在謚議其敢後群
臣請以聖文仁德顯孝冠之徽廟于時五內摧裂百禮
廢壞顧彼草具未遑審訂今也因山初成送終甫畢登
崇顯號亶維其時仰明詔之下頒遵列聖之彛制增字
盈於十六博詢至于再三是昭孝思永詒懿範恭以徽

宗皇帝躬上聖之資樞重熙之運爰自初載誕恢遠慕
篤至德以丕承因順悌而則友凡所建置若稽于三代
算其休蹟度越於百王明察天地則釐正二郊孝饗祖
宗則增崇九廟制五禮以節天仁義定六樂以統和神
人此其章章著明後世不可跋及者也若乃敦宗睦族
審罰寬刑嚴三衛正百官勸農功興水利病有醫而死
有葬近者悅而遠者懷皆前議所已陳亦瑣細而靡究
且夫出入利用之謂神沉應曲當斯為體神矣覆載萬
物之謂道兼懷無私斯為合道矣繼志述事光于前人
是謂駿烈功成身退付爾元子是謂遜功以天下為度
以百姓為心茲聖能法天之憲也黔黎資保惠孤獨無
困窮茲視民如子之慈也仰惟蕩蕩不可以名言巍巍

無待於褒讚惟是禮舉盡於人心因初議之固然正今
言而告增益告於在列僉以為宜請上徽號曰徽宗體
神合道駿烈邁功聖文仁德憲慈顯孝皇帝謹議詔恭
依

十六日禮部言今有合申請事件一將來奉上徽宗
皇帝徽號冊寶俟文思院修製畢於發冊寶前一日進
呈訖歸冊寶幄宿齋次日自內發冊寶前一日進接衛
至太廟次日奉上行禮依例本部合差捧冊寶抱席褥
職掌一十人今欲乞依例差撥應奉所有合用捧擊冊
寶輦三十二人二人員每輦執擊沿冊寶法物天武官二
十一人二人員一授衛皇城司親事官二十一一人員一
今欲乞依例下殿前司皇城司御輦院依數差撥曾經

應奉慣熟之人前來祇應 一所差捧冊寶等職掌并
捧擎天武鞞官授衛親事官合著色服除鞞官親事官
合服本色乞下御鞞院皇城司闕借外內職掌合服介
幘勒帛緋羅寬衫乞下祇候庫闕借所有天武官色服
乞下殿前司於祇候庫權暫闕借本司格管禁衛天武
官紫衫腰帶自備頭帽 一奉上冊寶并發冊寶日所
有逐處合用帳次欲乞依例下儀鸞司排辦 一發冊
寶前一日內中宿齋并奉上前一日太廟宿齋其帳次
內合用點照常料蠟燭欲乞下文思院擇造四對供使
詔依

十七日禮部太常寺言今續次參酌條具前期奏告合
行事件 一奉上冊寶前二日依禮例合奏告天地宗

廟社稷今來乞依禮例差官奏告 一合用祝文一十

六首

天地二首太廟一十一首別廟一首社稷二首

並述以為奉上徽宗皇帝

徽號冊寶奏告之意乞下學士院修撰書寫進書訖降

付太常寺至日差人供應內別廟懿節皇后祝文一首

更不進請 一合用御封降真香一十六合

天地二合太廟

一十一合

別廟一合社稷二合乞下入內內侍省請降 一奏告

宗廟合差奏告官一員前一日赴太廟宿齋依例係差

宗室南班正任已上社稷合差奏告官一員前一日赴

惠照院齋宮宿齋依例係差侍從官已上并逐處合差

奉禮郎太祝太官令依例報所屬差官 一合用幣帛

一十六段

內卷一白十二

並各長一丈八尺小尺乞

下太府寺指揮左藏庫支供 一奏告天地社稷合用

神位版并鋪設學生乞下太史局差辦施行詔依

二十日禮部太常寺言奉上徽宗皇帝徽號用來年正月九日皇帝御殿命使發冊寶行禮俟修製冊寶畢有前一日進呈請御書訖降出於所御殿設帷安奉令入內侍省依例差內侍三員專一掌管進呈及請御書并在帷宿衛主管所有發冊寶日依例文武百僚陪位立班不視事作休務假詔依

二十一日宰臣秦檜言准勅差臣撰徽宗皇帝加上徽號冊文臣今撰到維紹興十三年歲次癸亥正月己丑朔十一日己亥孝子嗣皇帝臣御名謹再拜稽首言曰臣聞天地不可譽大而煮載之德難忘日月不必夸明而照臨之用莫揜則夫君統寰宇子惠黎民志孝養者

不得終圖厚報而無以稱其惟崇顯號廣駿聲在於情
文不為進越恭以徽宗文仁德顯孝皇帝聖由天縱道
本生知風推代邸之安自隆禹子之望神器有託萬方
早朝時乃發德音下明詔拔任賢哲蠲除煩苛正南面
之恭嚴東朝之奉詩書不離於前後規摹既竭於心思
期月之間政經已立於是欵九廟臨三雍叙本支恤孤
寡省刑罰勸耕桑正官名頒告朔節仁義之寶統神人
之和號令文書鑑鉤炳耀踵武五帝而方馳三王矣泰
不終通災生無妄窮來者投迹好至者願交推廣施之
普恩謀固存之大信柔遠之舉謂合於虞書蒙難之傷
顧同於美里若夫非心萬乘脫屣八紘命元子以受終
所伯僑而遙集則又勳華之逸駕漢魏之絕潢也惟末

冲人紹復遺緒資結固之不解循滲漉其有原惕惟前
 謚未足以章至尊賓茂實茲庸謀及卿士告于神明參
 稽故編增益今議方篤顯親之念皇侯因郊之期飭躬
 齋居鏤玉登蹟謹遣太師尚書左僕射同中書門下平
 章事兼樞密使監修國史兼提舉實錄院提舉詳定一
 司勅令提舉編修玉牒所魏國公食邑壹萬壹千四百
 戶食實封四千四百戶秦檜奉冊寶加上徽號曰體神
 合道駿烈遜功聖文仁德憲慈顯孝皇帝仰惟陟配在
 上降監孔昭純佑邦家永錫祚嗣謹言詔付書冊文官
 同日禮部太常寺言來年正月九日皇帝御殿發冊寶
 十日太廟奉上今參酌合行事件 一奉冊寶使合用
 本品車及鹵簿儀仗緣今來未備今欲乞權不施設依

禮制服朝服騎從至太廟其侍中中書令舉冊舉寶官
並依禮例服朝服騎從 一太廟南神門外合設冊寶

幘乞令儀鸞司同臨安府計會太常寺前期訂設 一

合用御封降真香一十一合乞令入內侍省請降

一合用祝文一十一首並述以奉上帝之意 乞下學士院

修撰 一合用幣帛一十一段以充 各長一丈八尺

小尺乞下太府寺指揮左藏庫支供 一依禮例合用

文武百僚宗室南班官陪位乞下閣門御史臺施行

一奉冊寶行禮畢所有冊寶依禮例令太廟奉安所於

冊寶殿收掌奉安 一冊寶至太廟幘次其冊寶下并

職掌援衛親事官等依禮例並於冊寶幘之側宿衛

一合差讀冊中書令一員讀寶侍中一員欲乞就差發

冊寶侍中中書令合差舉冊寶官二員舉寶官二員欲
乞就差發冊寶舉冊寶官合差奉禮郎太祝太官令各
一員欲乞輪太常寺官詔依

二十二日禮部太常寺言奉上徽宗皇帝徽號合差官下
項 正月九日皇帝御殿命使發冊寶行禮官奉冊中
書令一員乞差執政官奉寶侍中一員乞差侍從官舉
冊官二員舉寶官二員並乞差卿監進接大圭殿中監
一員奏中嚴外辦禮部侍郎一員御前奏中嚴外辦禮
部侍郎一員禮儀使一員前導皇帝並乞差侍從兩省
官奏解嚴禮部郎中一員御前奏解嚴禮部郎中一員
贊引禮儀使太常博士一員並乞差禮部太常寺官
正月十日太廟奉上册寶行禮等官奉上册寶使一員

已差宰臣奉冊中書令一員乞差執政官奉寶侍中一員乞差侍從官舉冊官二員舉寶官二員並乞差卿監光祿卿一員奉禮郎一員太祝一員太官令一員並乞差太常寺官官闈令六員乞差內侍官都大主管官一員乞差入內內侍省官詔依

二十三日閤門言勘會將來太廟奏請及奉上徽宗皇帝徽號冊寶應合用文武百僚陪位立班處欲乞集武臣保養郎以上起赴詔依

二十五日閤門言將來奉上徽宗皇帝徽號冊寶每日宰臣已下起居問聖體并悅朝取聖旨詔並放

二十六日詔將來奉上徽宗皇帝徽號冊寶行禮應行事執事官等務在嚴肅如有懈怠不恭令閤門取旨送

御史臺

二十八日御史臺言勘會將來奉上徽宗皇帝徽號冊寶畢次日奏請皇帝詣太廟行饗禮其陪祠文臣百官合前十日受誓戒今相度欲乞用應通直郎以上及行在見任承務郎以上職事官起赴所有以後太廟奏請議文并習儀奏請皇帝致齋發冊寶等立班亦乞用前項已受誓戒官起赴詔依

同日閤門言勘會將來奉上徽宗皇帝徽號冊寶行禮閤門官二員前導皇帝一員奏中嚴等牌欲乞降勅差官詔依

十三年正月五日太常寺言正月九日皇帝御殿發冊寶依已行儀注是日皇帝詣殿下南向拜訖以冊寶授

奉冊寶使若至日不測兩降欲乞至日皇帝更不降階
止就殿上發冊寶侍中中書令自幄奉冊寶至折檻北
置定前導官前導皇帝至殿上冊寶幄內發冊寶行禮
其奉冊寶使以下行事官並乞隨宜趨那立班俟行禮
畢奉冊寶使以下奉冊寶降殿西側階由西廊出殿門
其文武百僚陪位亦乞隨宜於廊上立班餘依已定儀
注詔依

中興禮書第一百十三卷

吉禮一百十三

加上徽宗皇帝謚號冊寶二

奏告太廟奏請徽號儀

其日早陪位文武百僚赴太廟門外下馬詣幕次各服常服俟有司設權置徽號議文匣案褥位於殿西階下次實設禮料畢次引光祿御點閱畢御史臺太常寺閣門分引文武百僚入就位次引奉禮郎太祝太官令詣陪位班前褥位次引讀徽號議文官詣議文案之後褥位立次禮直官引奉上冊寶使詣殿下西向褥位立定祠祭官於殿上贊奉神主次宮闈令搯笏奉祖宗帝后神主於几後啟匱設于座以巾覆之執笏退復位祠祭

官又贊奉神主訖禮直官贊奉上冊寶使躬贊者曰拜
 在位官皆再拜訖先引奉禮郎太祝太官令升殿各就
 位立次禮直官引奉上冊寶使詣盥洗位北向指笏盥
 手悅手執笏詣爵洗位指笏洗爵拭爵執笏升殿詣傳
 祖室酒尊所指笏跪執爵太官令指笏跪酌酒訖以爵
 授執事者執笏興詣傳祖室香案前指笏上香再上香
 三上香跪奉禮郎指笏跪奉幣奉上冊寶使授幣奠幣
 執爵三祭酒于茅苴奠爵執笏俛伏興少立太祝指笏
 跪讀祝文訖執笏興先詣翼祖室太祖室太宗室真宗室仁
 再拜訖次詣翼祖室宣祖室太祖室太宗室真宗室仁
 宗室英宗室神宗室哲宗室徽宗室行禮並如上儀訖
 降西階詣徽號議文案權置位執事者舉議文匣興執

事者先捧案詣徽宗皇帝室前置於褥位訖奉上冊寶使搢笏捧議文升殿詣徽宗皇帝室前跪奠置於案上奉上冊寶使執笏興稍南北向褥位立次引讀議文官詣案後北向立讀議文官搢笏跪讀議文訖執笏興降階復位執事者舉議文匣興執事者捧案降階置於褥位奉上冊寶使後從至楹置位置定奉上冊寶使復位立定祠祭官於殿上贊奉神主入室宮闈令搢笏捧祖宗帝后神主入室訖執笏復位祠祭官又贊奉神主入室訖次引奉上冊寶使奉禮郎太祝太官令詣奉上冊寶使班退餘官以次退

命使發冊寶奉上儀

陳設

前二日儀鸞司帥其屬張設發冊寶殿及於殿上當中南向設冊寶幄有司設香案於幄前設御幄於發冊寶殿後又設皇帝褥位三一於殿上冊寶幄前北向一於冊寶幄之東西向一於殿下當中南向設奏中殿外辦解嚴褥位四二於殿下東階之東二於殿上稍東設文武百僚及奉冊寶使侍中中書令已下行事官幕次於殿門外設奉冊寶使授冊寶褥位於殿下皇帝褥位之南北向設權置冊寶位二於奉冊寶使褥位之南州東寶西設奉冊寶使位於殿下西階之西設侍中中書令位於其後設舉冊舉寶官又在其後並東向北上設文武百僚位於冊寶權置褥位之南東西相向又設冊寶幄於太廟南神門外道西東向

發冊寶

其日文武百僚集於發冊寶殿門幕次各服其服

禮及行

前導應奉官都大主管官階位率執仗相侍起
臺誅武臣正任以上並服朝服發冊寶並服常服次禮儀

使問門官太常博士禮直官分立於御幄前次御史臺

太常寺閣門分引文武百僚入就殿下東西相向立定

禮直官引奉冊寶使侍中中書令舉冊舉寶官詣殿下

西階之西東向立俟齋室簾降皇帝服通天冠絳紗袍

禮直官引禮部侍郎奉請中嚴少頃又奏外辦次禮直

官太常博士引禮儀使當幄前俛伏跪奏禮儀使臣某

言請皇帝行奉上徽宗皇帝徽號發冊寶之禮奏訖俛

伏興簾卷前導官前導皇帝出幄殿中監跪進大圭禮

儀使奏請執大圭皇帝執大圭

殿中監進大圭跪詣殿
階東下西向以授禮畢

受大前導官前導皇帝詣冊寶幄東褥位西向立禮儀

使奏請再拜皇帝再拜贊者曰拜在位官皆再拜訖前

導官前導皇帝詣冊寶幄褥位北向禮儀使奏請皇帝

揖大主上香再上香三上香訖又奏請執大主請再拜

皇帝再拜贊者曰拜在位官皆再拜訖前導官前導皇

帝還褥位西向立禮直官引侍中中書令贊者引舉冊

舉贊官升殿入冊寶幄舉冊寶官俱揖笏跪舉冊寶與

侍中中書令奉冊寶進行舉冊寶升殿皆前導官前導

皇帝後從冊寶降自西階至殿下褥位南向立俟冊寶

置定侍中中書令舉冊舉贊官各詣西階下東向立禮

儀使奏請再拜皇帝再拜贊者曰拜在位官皆再拜訖

次贊者引舉冊官詣冊案之左右揖笏舉冊禮直官引

中書令詣冊案搢笏奉冊詣皇帝褥位前北向中書令
舉冊官皆跪奉冊禮儀使奏請皇帝搢大圭跪受用訖
又奏請執大圭興中書令執笏俛伏興退復位舉冊官
執笏興少立禮直官太常博士引奏冊寶使詣受冊寶
褥位北向俛伏跪舉冊官搢笏跪舉冊禮儀使奏請皇
帝搢大圭跪奉冊授奉冊寶使奉冊寶使搢笏受冊又
奏請執大圭興奉冊寶使執笏俛伏興少退稍東西向
立舉冊官舉冊興詣冊權置位置定執笏興立於冊褥
位之左右東西相向立次贊者引舉贊官詣寶案之左
右搢笏舉寶禮直官引侍中詣案搢笏奉寶詣皇帝褥
位前北向侍中舉寶官皆說奉寶禮儀使奏請皇帝搢
大圭跪跪受寶訖又奏請執大圭興侍中執笏俛伏興

退復位舉寶官執笏興少立禮直官太常博士引奉冊
寶使詣受冊寶褥位北向俛伏跪舉寶官搢笏跪舉寶
禮儀使奏請皇帝搢大圭跪奉寶授奉冊寶使搢笏受
寶又奏請執大圭興奉冊寶使執笏俛伏興少退稍東
西向立舉寶官舉寶詣寶權置位置定執笏興立於寶
之左右東西相向立次引侍中中書令詣冊寶位奉冊
寶舉冊寶官搢笏舉冊寶興奉冊寶使後從冊寶持節
者持節導冊寶進行俟出殿正門引禮儀使詣皇帝褥
位前北向俛伏跪奏禮儀使臣某言禮畢奏訖俛伏興
退還位立前導官前導皇帝將至東階奏請釋大圭殿
中監跪受大圭前導官前導皇帝升自東階入齋室簾
降禮部郎中奏解嚴訖文武百僚前導官以次退次冊

冊寶出北宮門奉冊寶使已下騎從至太廟樞星門外
下馬步從至太廟南神門外冊寶恆安奉訖退

應州寶
下官退

宿于冊寶
帳之側

奉上冊寶

其日文武百僚集於太廟幕次各服其服

內行禮官服
祭服都大主

管官并除位率執使相侍從臺諫武臣
正任以上並服朝服餘官並服常服俟有司排辦訖

御史臺太常寺閣門分引文武百僚入詣殿下並北向
立禮直官引侍中中書令贊者引舉冊舉寶官詣冊寶
恆立定贊者引奉禮郎太祝太官令詣殿下當中北向
立以西為上次禮直官太常博士引奉冊寶使詣殿下
褥位東階之東西向立祠祭官於殿上贊奉神主俟官
闌令奉祖宗后神主於座啟匱於後訖次祠祭官贊

奉神主訖禮直官贊有司謹具請行事贊者曰拜在位
 官皆再拜訖贊者先引奉禮即太祝太官令各升殿就
 位立次禮直官引奉冊寶使詣盥洗位北向立搢笏盥
 手悅手執笏詣爵洗位北向立搢笏洗爵拭爵以爵授
 執事者執笏升殿西階詣僖祖室酒尊所西向立搢笏
 跪執爵俟太官令搢笏跪酌酒訖以爵授執事者執笏
 興太官令先詣翼祖室酌尊所北向立引奉冊寶使詣
 僖祖室香案前搢笏上香再上香三上香跪奉禮即西
 向搢笏跪奉幣奉冊寶使受幣奠幣奉禮即先詣翼祖
 室香案之東西向立奉冊寶使執爵三祭酒於茅苴奠
 爵執笏俛伏興少立俟太祝東向搢笏跪讀祝文訖執
 笏興太祝先詣翼祖室香案之西東向立奉冊寶使再

拜訖次詣翼祖室次詣宣祖室次詣太祖室次詣太宗
室次詣真宗室次詣仁宗室次詣英宗室次詣神宗室
次詣哲宗室次詣徽宗室行禮並如上儀訖奉冊寶使
降階復位西向立次贊者引舉冊官舉冊寶官舉寶
進行禮部職掌助舉禮直官引侍中中書令前導冊寶
入自南神正門登歌顯安之樂作至殿西階下東向權
置位置定冊北寶南樂止次引詩中於寶權置位之後東向
立中書令於冊權置位之後東向立舉冊寶官又在其
後立定禮直官贊躬拜贊者曰拜在位官皆再拜訖次
禮直官引奉冊寶使詣冊權置位贊者引舉冊官持笏
舉冊奉冊寶使持笏奉冊升自西階登歌顯安之樂作
至徽宗室前褥位跪奠冊樂止俱執笏興舉冊官分東

西相向少立次引奉冊寶使俛伏跪奏稱奉冊寶使臣某言嗣皇帝臣等謹遣臣等奉上徽號冊寶奏訖俛伏與少立退北向立舉冊官再稽笏跪舉冊次引中書令詣冊案之南北向稽笏跪讀冊文讀訖執笏興降階復位舉冊官舉冊興降自西階奉冊寶使後從至權置位置定舉冊官執笏退復位次禮直官引奉冊寶使詣寶權置位贊者引舉寶官稽笏舉寶奉冊寶使稽笏奉寶升自西階登歌顯安之樂作至徽宗室前褥位跪奠寶樂止俱執笏興舉寶官分東西相向少立次引奉冊寶使少退北向立舉寶官再稽笏跪舉寶次引侍中詣寶案之南北向稽笏跪讀寶文讀訖執笏興降階復位舉寶官舉寶興降自西階奉冊寶使後從至權置位置定

舉寶官執笏退復位次引奉冊寶使復位西向立祠祭
官於殿上贊奉神主入室俟宮闈令奉祖宗帝后神主
入室訖祠祭官於殿上贊奉神主訖舉冊寶官舉冊寶
興進行侍中中書令導冊寶出南神正門歸冊寶帷
安奉訖次引奉冊寶使以下詣望瘞位北向立定俟有
司瘞幣訖奉冊寶使以下退文武百僚以次退次赴拜
表極賀訖退

中興禮書第一百十四卷

吉禮一百十四

加上徽宗皇帝謚號冊寶畢親饗太廟一

紹興十二年十一月二十一日禮部太常寺言奉上徽宗皇帝謚號冊寶禮畢次日車駕詣太廟行朝饗之禮今具到典禮一依儀乘玉輅備黃麾儀仗欲乞令有司相度計置前一日於皇城北門外排列至太廟一

合用祝冊文一十一副

孟述以為奉徽宗皇帝繼統畢就孟春薦京日躬行朝享之

禮乞下學士院修撰進書訖降付禮部其祝冊乞令文思院修製一來年正月十一日就孟春薦饗日行朝饗之禮依禮例合罷有司行事所有同日薦饗別廟乞令有司依例差官排辦依時行事一合用登歌宮架

樂舞緣見今闕少樂工欲乞令太常寺條具申請詔依
十二月十三日禮部太常寺言今續具合行事件一
所差行事應奉官欲乞依禮例令太常寺具窠目申中
書省差官一欲乞朝饗之日皇城門并宮門並早二
刻開太廟門早三刻開一舉冊官四員合差南班宗
室昨緣所差宗室不足差文臣四員所有親饗太廟舉
冊官欲依禮例差文臣一依禮例就差進幣爵酒官
一員兼進瓚今欲乞依禮例施行一勸會所差應奉
人使臣禮直官贊者祠祭官供官樂工欲乞依禮例於
祠前各給沐浴錢五百文左藏庫支給詔依
十五日兵部言據左右金吾街仗司申駕乘玉輅備黃
麾儀仗逐司契勘所有執著法服法衣等乞下祇候庫

闕借詔依

黃虎仗用二十
二百六十五人

十六日禮部太常寺言今參酌比附申請事件 一依

儀皇帝親饗太廟散齋七日致齋三日其行事執事文

武助祭官及宗室前三日服朝服結佩宰執使相侍

從臺諫武臣正任以上并應奉官並服朝服餘並常服

立班奏請皇帝致齋訖退今欲乞依前項儀制施行內

致齋殿乞就前殿作齋殿 一前一日車駕合詣太廟

宿齋緣太廟別無宿齋殿乞併就前殿宿齋 一前三

日未後奏請皇帝詣齋室其日樞密院以下先詣垂拱

殿起居今乞依禮例施行 一勘會奏請致齋於前殿

合設御榻并御幃風後來東西兩壁合設東西房殿後

設西閣及齋室乞令儀鸞司相度隨宜釘設 一太廟

合設大次於東神門外道北南向設小次於阼階之東
西向欲乞令儀鸞司同臨安府排辦 一依禮例於尚
書省習儀合用慢道乞令臨安府委官修築 一親祠
行禮合設寶今來欲乞依禮例權不設寶 一依禮令
讀冊官讀冊至御名勿與殿上下徹去黃道相禱入殿
門不張蓋不官不得回班御燎從物織扇更不入殿行
禮前衛士不起居呼萬歲今欲乞依禮令施行 一合
設七祀及配饗功臣於殿下設位差官行禮今來欲乞
依禮例 一前三日皇帝內殿宿齋依禮例合設嚴更
警場欲乞依紹興十年體例就用殿前司金鉦一十二
人鼓角手各六十人鼓頭排押隊在外太常寺差武嚴指揮教
頭三人專一指教警揚節次於行禮前教習二十日詔

依

十七日詔冠冕朝祭服令有司照檢務令整潔

同日權禮部侍郎王賞等言勘會將來車駕詣太廟行朝饗禮檢會五禮新儀禮畢諸軍樂振作所有禮畢乘輿出太廟東極星門欲乞令鈞容直依禮例作樂引駕還內詔依續承二十七日主管禁衛所言備奉聖旨省記鈞容直在京日合趁赴導駕祇應本所今取索到本直見管一百七十三人兼契勘依禮例遇車駕乘輿宰行幸合窠差東西班駕後樂三十五人後從祇應詔令殿前司教習依數差

日同王賞等又言契勘依禮例遇車駕乘輿宰執使相侍從兩省正任并監察御史各服朝服於輅前分左右

騎導欲乞依例從御史臺閣門告集詔依

十八日禮部太常寺言奉上徽宗皇帝徽號冊寶合用樂舞今條具到合申請事件 一登歌宮架樂依禮例並合彩畫除已有登歌樂架外緣見闕宮架樂架創造不及欲將見管赤素宮架下文思院改充彩畫候舉行大禮却令本院創造赤素宮架一料 一登歌宮架二舞執色用樂正四人見闕一名欲差太常寺胥長充攝登歌執色樂工掌事掌器四十五人見闕九人宮架執色樂工八十七人排設大樂掌事掌器二人共用八十九人數內鼓色一十三人欲差曾經祇應守闕樂工一名充餘一十二人止乞差借殿前司鈞容直充攝外其餘所闕人數並乞差守闕樂工及拘收先曾經大禮等

處應奉人如不足乞行台募執色人數登歌樂正二人
編鐘編磬各一名祝敔搏拊各二人歌笛各四人篪簫
各二人和笙篳篥瑟各四人塤二人一三五七九絃琴
各二人掌事掌器三人宮架樂正二人編鐘編磬各八
人祝敔二人歌一人笛篪簫篳篥塤各六人一三五
七九絃琴各二人鼓色一十三人掌事掌器二人一
二舞合用引舞色長二人文舞六十四人番袞武舞祇
應并引文舞頭二人番袞引武舞祇應及引武舞一十
八人共八十六人並乞依例借差殿前司鈞容直一
樂正樂工掌事掌器引舞色長等合服法依並乞下祇
候庫闕借一今來樂工并台募人及借差鈞容直係
創行習樂舞全籍舊人指教欲乞於應奉以前教習一

月 一奉上徽號冊寶合行奏告除迎神送神等樂章
樂曲就用時饗樂章樂曲外合添撰冊寶入門一曲冊
寶升殿一曲徽宗皇帝徽號樂章一曲乞令學士院修
撰降下教習 一契勘時饗太廟別廟止於太廟殿上
設登歌大樂通家別廟行禮作樂今來行朝饗禮除排
設登歌宮架樂舞外同日別廟係有司行禮其合用登
歌樂正樂工等乞止就用太廟三十六人先赴別廟依
時行禮作樂祇應 一宮架內合設路鼓路鼗各二所
有執色樂工四人乞依例借差鈎容直 一祇應樂工
等欲乞依紹興十年體例朝饗前一日於法惠寺宿齋
詔依

同日兵部言車駕乘玉輅詣太廟行朝饗之禮今取會

到下項 一車輅院狀契勘自來排辦玉輅合用引駕

執儀刀千牛衛上將軍一員抱龍旗太常官六員並合

下吏部差大使臣

其千牛衛上將軍班出身人充

車輅院監官二員

扶輅捧輪大將軍四員逐官並合服本品朝服乞下祇

候庫闕借 一祇候庫狀契勘玉輅後抱太常龍旂將

軍共六員并輅挾將軍合服三梁冠朝服車輅院官二

員一員合服二梁冠朝服一員合服三梁冠朝服即今

並闕玉輅前引駕千牛衛上將軍合服三梁冠朝服執

儀刀亦無見在契勘朝服名件緋羅夾大袖裙蔽膝白

羅中單白綾勒帛銅環錦綾白羅方心曲領緋白羅大

帶皂緞紋皮履白綾襪銅珠珮角晉金鍍銀立筆伏乞

朝廷指揮下所屬料造赴庫送納准備將來支借服著

使用詔依

十九日禮部太常寺今續條具合行事件 一合設皇帝位版並亞終獻公卿位版其所用位版腰輿及黃羅三副夾怕欲乞下臨安府添修雅飾 一依禮例前一月太常寺定日教習侍祠執事朝臣應奉人作樂教習十日今欲乞於受誓戒前令太常寺定日教習五日 一依儀合前十日受誓戒於尚書省乞依例五更一點開省門 一前導行事執事應奉官並合前三日致齋其使相并無本司官並宿法惠寺行事執事宗室於行北門外並宿待漏院其太常寺官吏于行禮前有合行排辦事務欲乞於來年正月八日就行宮南門內西廊卿監侍班幕次致齋九日十日於太廟致齋仍詳太常

寺官各將帶入宮門號從人一名於幕次止宿照管祭服法衣 一合差贊者三十二人贊引應奉除見管外闕一十九人欲乞依例於吏戶部各選差五人兵刑工部各選差三人其供官合差五十八人掌管牲牢祝文鋪設祭器實設禮料祇應除見管外闕三十二人乞於禮部四司選差一十人於太府司農宗正寺大宗正司軍器將作監選差十二人國子監選差一人都進奏院選差九人令逐處差正名貼司已上無父母服制之人充於前二十日發遣赴太常寺赴教習 一將來親饗太廟合用秉燭八十八條各重十二兩并七祀配饗功臣合用常料燭共九十二條各重四兩欲乞下臨安府擇造於行禮前十五日赴太常寺送納 一應合用五齊三酒

依禮例從太常寺具合用酒齋名色升合報臨安府專
委官醞造詔依

二十一日鈞容直所言準太常寺差借鈞容直九十八
人克登歌二舞執色人祇應本所契勘今來行禮畢駕
回合行導駕振作祇應所有差借克登歌等顯是相妨
詔令太常寺依在京日體例十二月二十七日上書右
師樂人充攝今承指擇今未寺依在京日體例下教坊今
借樂人充攝今承指擇今未寺依在京日體例下教坊今
別有數坊委是日行追難用以指去應止是十餘日
行祖祭享禮事體色引舞路鼓已降指揮仍乞持借差到
鈞容直教內舞色引舞路鼓已降指揮仍乞持借差到
樂止先相妨詔依
作自不相妨詔依

二十三日禮部太常寺言今續次條具下項 一依儀
親饗合於太廟殿上鋪設皇帝黃拜褥欲乞依禮例改

用緋褥乞下儀鸞司排辦 一每室各差薦香燈官一員今欲乞依例令大宗正寺差南班宗室充 一合差內侍二員進徹飲福俎二員監宰殺及禮畢頒散酒酢并收接昨表於通進司投下係太常寺報入內侍省差今乞依禮例施行 一習儀受誓戒并前一日省饌贊者供官並服幘頭緋衫腰帶樂工服介幘緋衫勒帛其借到贊者供官依樂工例止服介幘緋衫勒帛赴習儀受誓戒省饌祇應 一依儀皇帝行禮所有大禮使名緣來年又係大禮今欲乞稱親饗大禮使 一執綏官一員欲乞依禮差侍從 一乘黃令一員進玉輅欲乞差車輅院監官 一玉輅前執綏官乘黃令千牛將軍共三員其合服朝服欲乞下工部指揮文思院製

造 一今來親饗太廟欲乞宰執按雅樂於法惠寺按
嚴更驚場於尚書省其習儀日分乞依例從太常寺定
日闕報 一依禮例合差看饌幔內牲牢燈燭等親事
官一十人并擡擎縮酒茅親事官四人欲乞並下皇城
司依數差於行禮前十日到寺詔依

二十六日太常寺言今開具到合差官下項 前饗十

日贊明受誓戒尚書省 左僕射一員誓文武官刑部

尚書一員准誓 太廟 右僕射一員誓宗室 刑部

侍郎一員准誓 太廟侍祠等官 亞獻一員 終獻

一員 親饗大禮使一員 禮儀使一員 應奉官

禮部侍郎二員 一員常御殿并太廟奏中嚴外辦

一員常御殿并太廟御前奏中嚴外辦 殿中監一員

進接圭兼進飲福酒復受虛爵 禮部郎中二員 一員常御殿并太廟奏解嚴 一員常御殿并太廟御前奏解嚴 贊導太常卿一員 太常博士四員 一員贊引禮儀使 一員贊引太常卿 一員贊引亞獻 一員贊引終獻奏請致齋侍中一員奏請皇帝位版太官令一員酌亞終獻酒兼監視宰殺牲牢并搏黍等七祀太祀一員進幣爵酒官一員兼進瓚并申眡滌濯受爵酒官一員以爵酒授進爵酒官奉幣官一員以幣授進幣官受幣官一員受幣兼受爵復於坩盥洗奉爵官一員盥洗進爵以爵詣尊所酌酒訖以爵酒授受爵酒官奉瓚盥官一員盥洗進瓚以瓚詣尊彝所酌鬱鬯訖以瓚授進瓚官薦牛俎官一員薦牛俎并徹蓮豆俎兼

進飲福俎薦羊俎官一員薦羊俎兼馐滌濯省牲省鼎

鑊馐濯溉兼實鑊水薦豕俎官一員薦豕俎兼省牲視

腥熟節增沃鑊水七祀獻官一員詣七祀神位前行禮

良醞令一員酌皇帝獻酒搏黍太祝一員進搏黍兼肺

祭奠冊薦香燈官一十三員內二員准樞官闈令六員

入內內侍省差司尊彛官一員翰林司差供祠執事官一十三員內

內侍省差供亞獻爵站盥洗官二員皇帝降座就齋室輦輅

前侍中一員奏請車駕升降承旨參知政事一員奏請

車駕進發及少駐執綏官一員乘黃令一員進玉輅太

廟侍祠官奏奉神主官一員監察御史二員配饗功臣

獻官一員詣配饗功臣神主前行禮讀冊官一員押樂

太常卿一員光祿卿一員巡牲牽牲詣厨入實遵豆簋

盞等舉冊官四員太府卿一員設幣光祿丞一員巡牲
牽牲詣厨兼監饌造協律郎二員一員殿上舉麾一員
殿下舉麾奉禮郎一員設供終獻爵坵盥洗官二員捧
俎官六十六員

以上並
文部差詔依

二十八日禮部太常寺言今續條具事件 一今來皇
帝親饗致齋三日於齋殿依禮例合用儀衛宿衛乞下
主管禁衛所 一親饗太廟并前三日奏請致齋奏中
嚴外辦解嚴其抱牙牌依禮例乞下禮部施行御殿發
冊寶奏中嚴外辦解嚴其抱牙牌依禮例乞下門下後
省施行詔依

中興禮書第一百十五卷

吉禮一百十五

加上徽宗皇帝謚號冊寶畢親饗太廟二

紹興十三年正月五日太常寺言今具申請事件一
依儀皇帝自北宮門外乘玉輅至太廟櫺星門外降輅
乘輿至大次降輦入次竊慮至時不測雨降今相度欲
乞自太廟櫺星門裏直西曲尺頭北至東門神貯廊預
備席幕屋令臨安府同儀鸞司排辦一親饗日皇帝
自齋殿乘輿至玉輅所導駕官步導至行宮北門俟勅
侍臣上馬騎導詣太廟若至時雨降欲乞令導駕官免
步導先詣行宮北門玉輅所俟勅侍臣上馬騎導詣太
廟仍乞沿路許施雨具俟至太廟櫺星門下馬依儀步

導至大次詔依

七日主管禁衛所言今來聖駕詣太廟親饗太常寺儀注至日於皇城北門裏降輦陞輅並合鳴鞭前導引至太廟樞星門外降輅亦合鳴鞭詔太廟樞星門外降輅更不鳴鞭

同日詔正月十一日奉上徽宗皇帝徽號冊寶親饗太廟行禮依儀宿齋所有九日十日早晚御膳並進素

十日主管衛所言奉詔今月十一日太廟親饗應諸色人雖帶入禁衛勅號如無色衫並不許入禁衛

十八日權禮部侍郎王賞言恭覲今月十一日加上徽宗皇帝謚號皇帝親饗太廟誠孝格天前數日陰雲欲雪及致齋行事日霖霧澄穆日景融明初九日登冊寶

皇帝立於殿下望冊寶出殿門涕泗潸然親饗至徽宗

皇帝室前又淚流不止左右莫不感慟酌獻畢不御小

次申勅臣僚務要虔肅上件事跡伏望宣使史館以昭

聖孝詔依右制奉大直樞閣兩浙西呂提刑王儲
進此案太廟賦文詞可採除直樞閣

紹興十三年四月二十九日閣門言契勘近親饗太廟

行禮畢賜臣僚等回鑿花往往不依舊例戴花過數未

欲便行彈奏除入內內侍兩省官花數不屬閣門外所

有臣僚花數欲乞且依今來省記定到下項花數支散

候見所屬舊條或內有數目不同即依舊法給賜今具

大禮回鑿花宰臣親王大花二十朵樂枝一十朵三公

三少帶節度使并開府儀同三司大花一十八朵樂枝

八朵執政官大花一十六朵樂枝八朵太尉六曹尚書

閣學士以上大花一十四朵樂枝八朵禮文殿資政殿大學士如前條

兩府并恩數依執政官節度使大花一十四朵樂枝八樹花數並同執政官

朵權尚書御史中丞大花一十四朵樂枝六朵六曹侍

郎至直學士給事中中書舍人左右諫議大夫大夫大花一

十二朵樂枝六朵丞宣觀察使大花十一二朵樂枝四

朵防禦使至刺史大花一十朵樂枝四朵橫行使大花

一十朵樂枝四朵橫行副使大花八朵樂枝二朵起居

郎舍人侍御史大花一十朵樂枝四朵武功大夫至武

翼大夫武功郎至武翼郎大花八朵內帶進郡加閣門

宣贊舍人閣門祇候大花八朵內帶進郡加閣門

花六看班祇候大花閣門提點承受兼祇應大花六朵

上并帶職人依官職序賜以大小使臣並大花四朵已

州教武郎以下如武翼郎以

上並係起草花近親饗回鑿以絹花充代逐項如有該
載未盡乞此附官序賜花朵詔依如裁花過教令御史
臺問門具名彈奏